



TASDIQLAYMAN"

Toshkent shahar
statistika boshqarmasi boshlig'i

L. Mirsoatov

may 2024- yil

**Turmush darajasi statistikasi va uy xo'jaliklari kuzatuvlari
bo'limi to'g'risida
NIZOM**

1-bob. Umumiy qoidalar

1. Mazkur nizom Toshkent shaharstatistika boshqarmasi Turmush darajasi statistikasi va uy xo'jaliklari kuzatuvlari bo'limining (keyingi o'rinlarda Bo'lim deb ataladi) maqomi, asosiy vazifalari va funksiyalari, huquq va majburiyatlari, shuningdek, uning faoliyatini tashkil etish tartibini belgilaydi.
2. Bo'lim O'zbekiston Respublikasi Prezidentining 2024-yil 4-martdagi "O'zbekiston Respublikasi Prezidenti huzuridagi Statistika agentligi faoliyatini tashkil etish chora-tadbirlari to'g'risida" PQ-114-son Qaroriga muvofiq tashkil etilgan va Toshkent shahar statistika boshqarmasi (keyingi o'rinlarda boshqarmasi deb ataladi) tarkibiy bo'linmasi hisoblanadi.
3. Bo'lim o'z faoliyatida O'zbekiston Respublikasi Konstitutsiyasiga, O'zbekiston Respublikasining "Rasmiy statistika to'g'risida"gi Qonuni va boshqa qonunlariga, Oliy Majlisning normativ qarorlariga, O'zbekiston Respublikasi Prezidenti farmonlari, qarorlari va farmoyishlariga, Vazirlar Mahkamasi qarorlari va farmoyishlariga, O'zbekiston Respublikasi Prezidenti huzuridagi Statistika agentligi to'g'risidagi nizomga, mazkur nizomga, shuningdek boshqa qonun hujjatlariga amal qiladi.
4. Bo'lim Turmush darajasi statistikasi va uy xo'jaliklari kuzatuvlari masalalari bo'yicha faoliyatini boshqarmaning tarkibiy bo'linmalari, shuningdek, tumanlar va shaharlardagi mahalla fuqoralar yig'inlari bilan o'zaro hamkorlikda amalga oshiradi.
5. Xalqaro darajada tavsiya etilgan Statistika ma'lumotlarini ishlab chiqish jarayonlarining namunaviy modeli (GSBPM – The Generic Statistical Business Process Model) talablarini milliy statistika tizimiga joriy qilish maqsadida barcha bosqichlarida bevosita va bilvosita ishtirok etadi.
6. Bo'lim o'z vakolatiga kiruvchi masalalar bo'yicha boshqarmasi boshlig'ining o'rinbosariga bo'ysunadi.

2-bob. Bo'limning vazifalari va funksiyalari

7. Quyidagilar Bo'limning asosiy vazifalari hisoblanadi:
 - a) *rasmiy statistika sohasida davlat siyosatini amalga oshirish, rasmiy statistikani rivojlantirish masalalari bo'yicha faoliyatni milliy statistika tizimi doirasida muvofiqlashtirish, statistika uslubiyotlari va xalqaro tavsiyalarga muvofiq bo'lgan statistika kuzatuvlari shakllarini ishlab chiqish, tasdiqlash va amaliyotga joriy qilish sohasida:*
Statistika dasturini, turmush darajasi statistikasi va uy xo'jaliklari kuzatuvlari bilan bog'liq ishlarning reja-jadvali, Boshqarma rahbariyatiga turmush darajasi statistikasi va uy xo'jaliklari kuzatuvlari samaradorligini oshirish yuzasidan takliflar kiritish;

O'zbekiston Respublikasi Statistika agentligi tizimini rivojlantirishning maqsadli dasturlarini, O'zbekiston Respublikasi Oliy Majlis palatalari qarorlari, O'zbekiston Respublikasi Prezidenti farmonlari, qarorlari va farmoyishlari, O'zbekiston Respublikasi Vazirlar Mahkamasi qarorlari va farmoyishlarining ijrosini ta'minlash yuzasidan joriy va istiqbol rejalarini tayyorlash ishlarida ishtirok etish;

statistika organlari faoliyatini takomillashtirish bo'yicha takliflar tahlil qilish va ishlab chiqish, takliflarni amalda ro'yobga chiqarishda ishtirok etish;

O'zbekiston Respublikasining amaldagi qonun hujjatlarini yanada takomillashtirish bo'yicha takliflarni (turmush darajasi statistikasi va uy xo'jaliklari kuzatuvlariga taalluqli rasmiy statistikasiga aloqador qismi bo'yicha) tayyorlashda ishtirok etish;

makroiqtisodiy va hududiy darajalarda o'rganilayotgan ijtimoiy-iqtisodiy jarayonlarning qamrovini kengaytirishga qaratilgan statistika ma'lumotlarini yig'ish va qayta ishlashning zamonaviy metodologiyasi va metodikalarini keng joriy etish yo'li bilan statistik kuzatuvlar tizimini umum qabul qilingan xalqaro amaliyotga yanada moslashtirishni vakolati doirasida amalga oshirish;

turmush darajasi statistikasi va uy xo'jaliklari kuzatuvlariga oid tadqiqot ishlarini, shu jumladan xalqaro tashkilotlar tomonidan mamlakatlar reyting baholarini tuzish uchun foydalaniladigan axborot manbalarini o'rganish, ular asosida shakllantiriladigan va tarqatiladigan statistik ko'rsatkichlar tarkibini yaxshilash bo'yicha takliflar berish;

b) foydalanuvchilar ehtiyojlarini qanoatlantirishga qaratilgan iqtisodiy, demografik, ijtimoiy, moliyaviy, ekologik hamda boshqa xususiyatga ega dolzarb statistika ma'lumotlarini yig'ish, ularni qayta ishlash, umumlashtirish, tahlil qilish, tarqatish va saqlash jarayonlarini tashkil etish sohasida:

turmush darajasi statistikasi va uy xo'jaliklari kuzatuvlari bo'yicha so'rovlarni va boshqa kuzatuvlarni tashkil etish va o'tkazishni ta'minlash;

turmush darajasi statistikasi va uy xo'jaliklari kuzatuvlari bo'yicha mamlakatdagi eng muhim ijtimoiy hodisa va jarayonlarning dastlabki statistik tahlillarini olib borish;

turmush darajasi statistikasi va uy xo'jaliklari kuzatuvlari bo'yicha o'tkazilgan tanlanma kuzatuvlar natijalarining tezkorligi, ishonchliligi va xolisligini, statistik axborotlarning qulayligi, ochiq-oydinligi va oshkoraligini kengaytirish bo'yicha chora-tadbirlarning amalga oshirilishini ta'minlash;

ishonchli statistika ma'lumotlarini taqdim etishda uy xo'jaliklari respondentlariga har tomonlama ko'maklashish, statistik ma'lumotlarni taqdim etish sohasida huquqiy madaniyatni oshirishda ishtirok etish, statistik nazoratni amalga oshirishning zamonaviy usullarini joriy etish;

turmush darajasi statistikasi va uy xo'jaliklari kuzatuvlari bo'yicha olingan statistika ma'lumotlarining maxfiyligi, davlat sirlariga ega bo'lgan statistika ma'lumotlarining himoya qilinishini ta'minlash;

umume'tirof etilgan xalqaro standartlarga muvofiq, statistik metama'lumotlar tizimini yaratish va rivojlantirish ishlarida ishtirok etish;

tavsiya etilgan xalqaro standartlar asosida statistikada sifatni boshqarish tizimini joriy etish va rivojlantirish;

d) xalqaro darajada umumqabul qilingan rasmiy statistikaning asosiy prinsiplari asosida sifatli va ishonchli statistika ma'lumotlarini shakllantirish, ularning shaffofligi va oshkoraligini oshirishga qaratilgan ta'sirchan mexanizmlarni amaliyotda qo'llash sohasida:

milliy va xorijiy foydalanuvchilarning keng ommasi uchun statistik axborotlarning maksimal darajada ochiq-oydinligi va oshkoraligini, respublikada turmush darajasi statistikasi va uy xo'jaliklari kuzatuvlari bo'yicha ko'rsatkichlari va materiallarini xalqaro statistik tashkilotlar bilan hamkorlikni kengaytirishni ta'minlash;

turmush darajasi statistikasi va uy xo'jaliklari kuzatuvlariga tegishli qismi bo'yicha respublika iqtisodiyotining rivojlanish holati, iqtisodiyotni rivojlantirish va isloh qilish bo'yicha O'zbekiston Respublikasi Prezidenti va O'zbekiston Respublikasi Vazirlar Mahkamasi tomonidan qabul qilingan qarorlarning amalga oshirilishi holati to'g'risidagi yillik va choraklik statistik va tahliliy materiallarni tayyorlash va belgilangan tartibda taqdim etish;

turmush darajasi statistikasi va uy xo'jaliklari kuzatuvlari bo'yicha ochiq statistik ma'lumotlarni statistika organlari, boshqa davlat organlari, xalqaro tashkilotlar nashrlarida joylashtirish yo'li bilan tarqatish va barcha foydalanuvchilarga statistik ma'lumotlardan foydalanish uchun teng imkoniyatlarni ta'minlash;

e) statistika ma'lumotlarini tayyorlash jarayonlarida raqamli texnologiyalardan keng foydalanish, o'z axborot tizimlarini rasmiy statistikaning boshqa tayyorlovchilari va ma'muriy ma'lumotlarni yetkazib beruvchilarning axborot tizimlari bilan o'zaro integratsiyasini ta'minlash sohasida:

raqamli texnologiyalardan foydalangan holda turmush darajasi statistikasi va uy xo'jaliklari kuzatuvlari oid statistik axborotlarni qayta ishlash, saqlash, umumlashtirish, tahlil qilish va chop etish, shuningdek, elektron hujjat aylanishi tizimlarini joriy qilish hamda ularni takomillashtirish;

internet-resurslarga joylashtirish yo'li bilan hamda so'rovlar bo'yicha turmush darajasi statistikasi va uy xo'jaliklari kuzatuvlari oid ko'rsatkichlar to'g'risidagi axborotlarni foydalanuvchilarga taqdim etish;

turmush darajasi statistikasi va uy xo'jaliklari kuzatuvlari bo'yicha Statistika agentligining ma'lumotlari asosida ommaviy axborot vositalarida tahliliy lavhalar, diagrammalar va grafiklarni keng namoyish qilish, statistik nashrlarga ko'rsatkichlarni vizuallashtirishning ilg'or usullarini joriy etish yo'li bilan alohida statistik ko'rsatkichlar to'g'risida aholini xabardor qilish bo'yicha choralarni ko'rish;

statistika kuzatuvlari va rasmiy statistika axborotlari masalalari bo'yicha axborot-tushuntirish ishlarini olib borish;

8. Bo'lim o'z zimmasiga yuklangan vazifalarni bajarish uchun quyidagi funksiyalarni amalga oshiradi:

rasmiy statistikadan foydalanuvchilarning ehtiyojlarini o'rganish natijalarini hisobga olgan holda rasmiy statistika sohasi rivojlanishining istiqbolli maqsadlari va yo'nalishlarini belgilaydi;

milliy statistika tizimiga statistika faoliyatini tashkil etishning xalqaro darajada tavsiya etilgan ilg'or uslubiyotlari va tavsiyalarini joriy etish yuzasidan zarur choralarni amalga oshiradi;

rasmiy statistikaning rivojlantirishning ustuvor yo'nalishlarini rasmiy statistikaning boshqa tayyorlovchilari bilan birgalikda amalga oshirishda va statistika dasturlari doirasida ularning faoliyatini muvofiqlashtirishda ishtirok etadi;

xalqaro tavsiyalar, shu jumladan sifatni boshqarishning milliy modellari (GSIM, GSBPM, GAMS0) hamda xorijiy davlatlarning ilg'or tajribalarini joriy etishni ta'minlaydi;

rasmiy statistika sohasidagi ilg'or xorijiy tajribalarni o'rganish hamda xalqaro tavsiyalar asosida normativ-huquqiy hujjatlarni, shu jumladan, statistik ko'rsatkichlarni hisoblash uslubiyotlarini ishlab chiqish, tasdiqlash, joriy etish va takomillashtirib borish;

turmush darajasi statistikasi va uy xo'jaliklari kuzatuvlari savolnomalarini qayta ishlash va tasdiqlatish, har xil turdagi kuzatuvlarni birlashtirish yo'li bilan optimallashtirish bo'yicha takliflar tayyorlash;

statistik instrumentariyni ishlab chiqish va takomillashtirish hamda sifatni boshqarish tizimini joriy etish jarayonida Boshqarma bo'linmalari bilan hamkorlik qilish;

Statistika dasturi hamda statistika dasturida turmush darajasi statistikasi va uy xo'jaliklari kuzatuvlari bo'yicha belgilangan ishlarning to'liq va muddatlarida bajarilishini ta'minlaydi;

O'zbekiston Respublikasi statistika tizimini rivojlantirish dasturlarini, rasmiy statistika faoliyatining joriy va istiqbol rejalarini, Boshqarma metodologik ishlari rejalarining amalga oshirilishida Bo'lim vakolati doirasida ishtirok etish;

turmush darajasi statistikasi va uy xo'jaliklari kuzatuvlariga oid statistika metodologiyalarini xalqaro standartlar va rasmiy statistika prinsiplariga, jamiyat ehtiyojlariga, shuningdek, O'zbekiston Respublikasi qonun hujjatlariga mos kelishini ta'minlaydi;

hududiy statistika organlari tomonidan turmush darajasi statistikasi va uy xo'jaliklari kuzatuvlariga oid rasmiy statistika ma'lumotlarini taqdim etish tartibiga rioya etilishi yuzasidan monitoring o'rnatish, zarurat tug'ilganda joylarga chiqqan holda ijro intizomini o'rganadi;

Boshqarmaga taalluqli bo'lgan jismoniy va yuridik shaxslarning murojaatlari, shu jumladan elektron shakldagi murojaatlarning tegishli qismini ko'rib chiqadi va ulardagi masalalarni hal qilish bo'yicha, zarur hollarda jismoniy shaxslar va yuridik shaxslarning vakillari ishtirokida, takliflar tayyorlaydi;

Birlashgan Millatlar Tashkilotining Barqaror Rivojlanish Maqsadlari indikatorlarini o'rganadi va uni O'zbekiston sharoitlariga moslashtirish, statistik ma'lumotlarni yig'ish va avtomatlashtirilgan qayta ishlash jarayonlariga joriy etish bo'yicha takliflar tayyorlaydi;

turmush darajasi statistikasi va uy xo'jaliklari kuzatuvlari sohasidagi ijtimoiy-iqtisodiy hodisalar, jarayonlar va ularning natijalari to'g'risidagi statistika axborotlarini yig'adi, qayta ishlaydi, to'playdi, saqlaydi, umumlashtiradi, tahlil qiladi va e'lon qiladi;

turmush darajasi statistikasi va uy xo'jaliklari kuzatuvlari bo'yicha ko'rsatkichlarning ishonchliligini, xolisligini va kompleksligini ta'minlaydi;

davlat organlarini, yuridik shaxslarni, xalqaro tashkilotlarni va aholini statistika axborotlari bilan belgilangan tartibda ta'minlaydi;

Bo'lim belgilangan tartibda o'ziga yuklatilgan boshqa funksiyalarni ham amalga oshiradi.

3-bob. Bo'limning huquqlari va majburiyatlari

9. Bo'lim o'ziga yuklangan vazifalar va funksiyalarni bajarish uchun quyidagi huquqlarga ega:

Turmush darajasi statistikasi bo'yicha davlat va xo'jalik boshqaruvi organlaridan, fuqarolarning o'zini o'zi boshqarish organlaridan, banklardan, boshqa yuridik shaxslardan (zarur hollarda – ularning vakolatxonalari va filiallaridan) belgilangan tartibda davlat statistika hisobotini olish hamda undan statistika maqsadlarida foydalanish;

Boshqarmaning tarmoq bo'limlaridan o'ziga yuklangan vazifalar va funksiyalarni bajarish uchun zarur materiallar va ma'lumotlarni belgilangan tartibda so'rash va olish;

Boshqarma rahbariyatiga turmush darajasi statistikasi va uy xo'jaliklari kuzatuvlari samaradorligini oshirish yuzasidan takliflar kiritish;

rasmiy statistika sohasida me'yoriy-huquqiy bazani rivojlantirish va takomillashtirishda, statistik kuzatuvlar metodologiyasi va metodikasini ishlab chiqishda ishtirok etish;

statistika dasturiga asosan statistika ishlarini o'z muddatlarida bajarilishini ta'minlash;

Bo'limning vakolatiga kiradigan masalalar bo'yicha Boshqarmaning bo'limlari bilan yo'riqnoma berish bo'yicha yig'ilishlar o'tkazish;

Turmush darajasi statistikasi va uy xo'jaliklari kuzatuvlari bo'yicha kuzatuv shakllarining to'liqligini ta'minlash, yig'ish bo'yicha chora-tadbirlar ishlab chiqish;

Bo'lim faoliyatiga tegishli masalalar bo'yicha konferensiyalar, seminarlar va yig'ilishlarda ishtirok etish.

10. Bo'lim quyidagilar uchun majbur:

o'ziga yuklatilgan vazifalarni lozim darajada va samarali bajarish;

vakolatiga kiruvchi tahliliy va boshqa materiallarni yuqori darajada tayyorlash;

statistikasi tamoyillariga amal qilish, ilg'or xalqaro amaliyotga muvofiq foydalanilayotgan usullar va metodikalarni doimiy ravishda takomillashtirish;

Bo'lim xodimlari tomonidan me'yoriy-huquqiy hujjatlarga muvofiq ijro intizomini ta'minlash.

4-bob. Bo'limning tuzilmasi

11. Bo'lim tarkibiga bo'lim boshlig'i, bosh mutaxassis va mutaxassislar kiradi:

Bo'lim ishiga bo'lim boshlig'i rahbarlik qiladi.

12. Bo'lim boshlig'i, bosh mutaxassis va mutaxassislar Boshqarma boshlig'i tomonidan lavozimga tayinlanadi va lavozimdan ozod qilinadi.

Statistika dasturida belgilangan tartibda va muddatlarda turmush darajasi statistikasi va uy xo'jaliklari kuzatuvlari ko'rsatkichlari va hududlar rivojlanishining sabablari va omillarini yoritib beruvchi zamonaviy statistik tahlil usullaridan foydalangan holda yillik va choraklik axborotlarni, hisobotlarni tayyorlash, chop etish va foydalanuvchilarga yetkazish;

uy xo'jaliklari tanlanma kuzatuvlari hamda aholi farovonligi darajasini hisoblashning metodologik va matematik qo'llab-quvvatlash, tanlov sifati monitoringini amalga oshirish, xalqaro tajribalarni o'rgangan holda tavsiya etilayotgan yangi usullarni joriy etish bo'yicha takliflar ishlab chiqish;

iqtisodiyot tarmoqlari, ijtimoiy soha va hududlarni rivojlantirish uchun qabul qilingan Statistika dasturi bajarilishi bo'yicha taqdim etiladigan tahliliy ma'lumotlarni tayyorlash;

turmush darajasi statistikasi va uy xo'jaliklari kuzatuvlari ko'rsatkichlari faoliyati uslubiyatlarini takomillashtirish masalalari bo'yicha takliflar ishlab chiqish;

turmush darajasi statistikasi va uy xo'jaliklari kuzatuvlariga oid axborotlarni elektron shaklda taqdim etish va elektron hujjat aylanishi tizimini joriy qilish ishlarini tashkil etish, bu yo'nalishda hududiy statistika organlari faoliyatini muvofiqlashtirish;















zamonaviy axborot texnologiyalaridan foydalangan holda, aholi daromadlari va uy xo'jaliklari kuzatuvlari asosiy ko'rsatkichlarining takomillashtirilgan ma'lumotlar bazasini yuritish;

axborot-tushuntirish ishlarini o'tkazgan holda respondentlar bilan o'zaro hamkorlik qilish.

Bo'lim boshlig'i:



Mazkur nizom bilan tanishdim va uni bajarish majburiyatini olaman:

 (imzo)	<u>N. R. Toshimova</u> (ismi, otasining ismi va familiyasi)	<u>08.05.2024</u> (sana)
 (imzo)	<u>Z. P. Gariyeva</u> (ismi, otasining ismi va familiyasi)	<u>08.05.2024</u> (sana)
 (imzo)	<u>D. X. Vamiyeva</u> (ismi, otasining ismi va familiyasi)	<u>08.05.2024</u> (sana)
 (imzo)	<u>Z. P. Toshmatova</u> (ismi, otasining ismi va familiyasi)	<u>08.05.2024</u> (sana)
 (imzo)	<u>N. O. Rashidova</u> (ismi, otasining ismi va familiyasi)	<u>08.05.2024</u> (sana)
 (imzo)	<u>Dalimova Zh. N</u> (ismi, otasining ismi va familiyasi)	<u>08.05.2024</u> (sana)
 (imzo)	<u>Lodikova Shobla Djuzayeva</u> (ismi, otasining ismi va familiyasi)	<u>08.05.2024 yil</u> (sana)
 (imzo)	<u>A. A. Pldayeva</u> (ismi, otasining ismi va familiyasi)	<u>08.05.2024</u> (sana)
 (imzo)	<u>Sh. Sh. Shonazirova</u> (ismi, otasining ismi va familiyasi)	<u>08.05.2024</u> (sana)
 (imzo)	<u>B. B. Ikromova</u> (ismi, otasining ismi va familiyasi)	<u>01.08.2024</u> (sana)
 (imzo)	<u>F. S. Raxmatova</u> (ismi, otasining ismi va familiyasi)	<u>07.08.2024</u> (sana)
 (imzo)	<u>M. K. Eshpolatova</u> (ismi, otasining ismi va familiyasi)	<u>04.09.2024</u> (sana)
 (imzo)	<u>D. X. Alimjanova</u> (ismi, otasining ismi va familiyasi)	<u>10.09.2024</u> (sana)
 (imzo)	<u>G. Sh. Mamanzulova</u> (ismi, otasining ismi va familiyasi)	<u>18.12.2024</u> (sana)